



Publicaziuns officialas dils 18-09-2009

Votaziuns federalas dils 27-09-2009 Project mira pagina 2 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl

dumengia, ils 27-09-2009, dallas 10.00 – 11.00 uras

Sonda e dumengia, ils 26 ed ils 27 da settember mintgamai avon il survetsch divin en las fracziuns sin plaz cadruvi.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sin il certificat pil dretg da votar.

Sumvitg, 18-09-2009

Suprastonza communal Sumvitg

Scamond d'encurrir bulius

Sebasond sils art. 11 e 12 dalla lescha davart la protecziun da plontas e bulius ha la Regenza dil cantun Grischun decretau restricziuns.

Ei setracta en special dil suadont:

- Egl interval dils 1 entochen e cun il 10avel di da mintga meis eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plontas e bulius. Nus supplichein da respectar quellas disposiziuns ed engraziein per tutta capientscha.

Sumvitg, settember 2009

Suprastonza communal Sumvitg

Sanaziun dil tuchiez dalla baselgia parochiala Sumvitg

Gliendisdis, ils 28 da settember entscheiva la firma Muff cun la sanaziun dil tuchiez da nossa baselgia parochiala. **Naven da quei di ein ils zenns e l'ura baselgia da nies clutger per ca. quater jamnas buca en funcziun.** Sche tut sespleiga sco previu, tuccan ils zenns puspei da Numnasontga (ils 1. da november). En cass da mortoris ha la suprastonza da pleiv decidiu da schar tucclar da miert a Cumpadials. Nus supplichein vischinas e vischins da prender enconuschientscha da quei avis e nus engraziein per Vossa capientscha. *Suprastonza da pleiv Sumvitg-Cumpadials*

Cussegl pastoral Rabius

Caras vischinas e vischins, nies survetsch divin campester ha liug uonn a Campieschas. Nus envidein cordialmein pign e grond da far cuminonza cun nus. **Dumengia, ils 27 da settember 2009 festivein nus survetsch divin dallas 11.00.** Silsuenter purschein nus sco adina la pusseivladad da gentar sil plaz. (En cass da malaura ha la s. messa liug en baselgia ed il gentar en halla dalla casa da scola). Nus selegrein sin vus! Biars salids *sur Benny ed ils commembers dal Cussegl pastoral*

Novs maletgs dalla via dalla Crusch a Clavadi

Dacuort ein ils maletgs dalla via dalla Crusch denter Sumvitg e Clavadi vegni renovai. **Dumengia, ils 27 da settember 2009 allas 16.30** serendin nus naven dil caraun sur baselgia viers Clavadi, contemplein ils novs maletgs e meditein leutier. A Clavadi vegn purschiu in aperitiv. *Fundaziun caplutta Nossadunna Clavadi e sur Benny*

Scolas da Sumvitg e Trun seras d'informaziun e referats

Las scolas da Sumvitg e da Trun organiseschon **duas seras d'informaziun e referats per geniturs ed educaturs** tier la tematica: Affons e giuvenils ed il diever e surdiever da medias: schanzas, influenzas e rescas. Igl emprem referat ha liug **mesjamna, ils 23 da settember 2009 allas 20.00 en scola a Trun** cul referent Diego Deplazes, anteriur scolast e specialist pil diever d'internet, cul tema: **Affons e giuvenils egl internet: schanzas e rescas.** Il secund referat ei **mesjamna, ils 4 da november 2009 allas 20.00 en casa da scola a Sumvitg** culs referents dr. Felix Böhringer e Silvana Calanchina, responsabels pil survetsch psichiatric da giuvenils cantunal, tier la tematica: **Diever da medias da massa d'affons e giuvenils: influenzas e rescas.** Cordialmein envidan *la menadra ed il menader da scola dallas vischnauncas da Trun e da Sumvitg*

14. Fiera d'atun a Rabius

L'uniun purila organisescha la fiera d'atun ils 24 d'october a Rabius. Naven dallas 10.00–16.00 sa mintga vischina e vischin exponer lur products sin in stan. Tgi che vul exponer products agricols, artisanadi, pettas ni tustgets sa s'annunziar tier Dominique Bundi, tel. 081 943 22 09. Sin Vossa annunzia selegra *l'uniun purila*

Mupi

Annadas 2005/06

Tut ils affons dallas annadas 2005/06 che han plascher da far gimnastica ein cordialmein envidei da vegnir a noss'ura da mupi. Nus s'entupein l'emprema ga **mardis, ils 27-10-2009 allas 9.45** en halla da gimnastica a Sumvitg. Vossa annunzia spetgel bugen tochen ils 28-9-2009. *La menadra Sandra Carigiet (tel. 081 943 31 35)*

Uniun da dunnas dalla vischnaunca da Sumvitg

meinan atras ils suandonts cuors:

1. cuors: Cuschinar asiat (chines)

Menadra: Corina Defuns

Liug: Casa da scola Sumvitg Temps: 19.00–22.00 uras

Datum: **Gliendisdis, ils 21 ed ils 28 da settember**

2. cuors: Art clay silver Crear bischutaria d'argien suenter Tiu gust (cadeinas e rintgas)

Mira sut www.gabrielas.ch

Menadra: Gabriela Lutz-Tuor

Liug: Casa da scola Rabius

Temps: 19.00–22.00 uras

Datum: **Mesjamna, ils 30 da settember**

Nus spitgein Tia annunzia per omisdus cuors entochen **venderdis, ils 18 da settember!**

Annunzias per **Surrein**: Maja Deplazes, tel. 081 943 23 91

Annunzias per **Rabius**: Jasmine Cajacob, tel. 081 943 15 04

Annunzias per **Sumvitg/Cumpadials**: Alice Tuor, tel. 081 943 23 48

Club da ballapei Trun/Rabius

Campionadi da ballapei

Mira sut Trun.

Biblioteca Trun

Mira Sut Trun.

Biblioteca populara, Mustér

Mira sut Disentis/Mustér.

Biblioteca populara, Mustér

Nus festivein 25 onns

Mira sut Disentis/Mustér.